

## „Фермин кӧдлмш ясрулхд оньган ӧгхмн“

60-ч номертӓ мана газетд „Фермин кӧдлмш ясрулхд оньган ӧгхмн“ — гисн тодлвр барлгдла. Тер тодлврт Приозерн района Чкаловин нертӓ совхозин дӧрвдгч фермин (управляющнь ӱр Свиридов) кӧдлмш дегд сулар кегдджӓнӓ. Мал ӱвлзӱллгӓнд белдлгӓнӓ кӧдлмш урдк кевтӓн хашньгар кӱцӓгддж йовна. Ӧвс хуралгӓна зурань кӱцӓгддж бӓӓхмн уга. Мал хӓлӓдж асрлгӓна кӧдлмшт ик дуту-дунд бас ӱзгдджӓнӓ, — гидж бичгдсмн.

Эн барлгдсн тодлвриг шӱӱдж хӓлӓтхӓ гидж КПСС-н Приозерн райкомин сеглӓтр ӱр Кокшуновд илгӓгдлӓ. КПСС-н Приозерн райком шӱӱдж хӓлӓгӓд, тодлврт барлгдсн тоот

ӱнн болв. КПСС-н райкомин зааврар, сӱл цагт фермин кӧдлмш ясрв. Партийн организацин болн дирекцин халхар фермин кӧдлмш ясруллгӓна, мал ӱвлзӱллгӓнд белдлгӓнӓ болн малин хот ӱвлзньгӱр зӧӧлгӓнӓ тускар, кӧдлмшчнрин, специалистирин болн ӱӱлд кӧдлӓчнрин хург болв.

Дӧрвдгч фермин управляющ ӱр Свиридовд, фермин эдл-ахун ӱӱлдврт сулдхл угагӓр гардлгӓн ӧгчӓтхӓ гидж заквр ӧггдв. Ирцхӓсн хӓльмг ӧрк-бӱлмӱд цуггӓрагӓинь бӓӓх бӓӓрӓр болн кӧдлмшӓр тетгдв — гидж КПСС-н, Приозерн райкомин сеглӓтр ӱр Кокшунов мана редакцд соньсхв.